

Laang geplangt

Déi nei Publikatioun „Verbentabellen op Lëtzebuergesch“ vum Jérôme Lulling

LËTZEBUERG
PATRICK VERSALL

Déi allermeescht Lieser, déi de lëtzebuergeschen Schoulsystem duerchlaaf sinn, haten op d' mannst schon eng Kéier e Bescherelle an der Hand, fir franséisch Verben ze léieren. Déi steigert Zuel vu Lëtzebuergeschschüler, déi an öffentlechen a private Coursen eis Sproch léieren, hate bis elo nach keen esou e Buch. Bis elo.

Buch amplaz Dépliant

De Lëtzebuergeschen Linguist a Lëtzebuergeschenseignant Jérôme Lulling huet op de Walfer Bicherdeeg säin neit Wierk „Verbentabellen op Lëtzebuergesch“ presentéiert, dat an dësen Deeg an d'Librairen aus dem ganze Land verdeelt gëtt. E soi disant Bescherelle fir lëtzebuergesch Verben, seet den Auteur.

D'Publikatioun aus dem Haus „delarosa éditions“ ëmfaasst Tabelle mat 600 Verben op Lëtzebuergesch am Indicatif Présent plus den Infinitiv op Franséisch. An der leschter Kolonn vun all Tabell fënnt de Lieser de Participe Passé plus d'Hëllefverb wat fir de Passé Composé benotzt gëtt. D'Verben huet de Sproochwëssenschaftler aus dem Korpus vu senger Doktorthese.

De Lulling huet schonns ganz laang mat dem Gedanke gespillt, eng Zort Dépliant mat Konjugationstabellen plus der franséischer Iwwersetzung vum lëtzebuergeschen Infinitivverb eraus ze bréngen, „dat hätt ee fir e puer Euro da verkafe kënnen“, erzielt de

„Verschidde Schüler
hu gefrot, ob et
och eng App gëtt“

JÉRÔME LULLING, Linguist

Lëtzebuergesch-Enseignant.

Hien huet dunn awer decidéiert, e puer Euro méi ze investéieren an e richteg Buch auszeschaffen. Niewent de 600 Verben enthält d'Buch 1.200 Beispillsätz an eiser Nationalsprooch mat der franséischer Iwwersetzung hannendrun.

Vill Beispiller huet den Auteur selwer erfonden, aner huet hien zum Beispill aus Radiosémissiounen iwwerholl. De Jérôme Lulling huet bewosst op méi Bei-



De Jérôme Lulling ass Lëtzebuergeschenseignant bei der Stad Lëtzebuerg

Fotoen: F. Aussems/delarosa éditions

spiller verzicht an duerfir der Publikatioun e puer Kapitele Grammatik spendéiert. D'Tabellen eleng géifen net duer goe fir ze verstoen, explizéiert de Linguist. De Feedback vun de Schüler ass ganz positiv. „Verschidde-

ner hu mech scho gefrot, ob et och eng App gëtt oder eng englesch Ausgab“, erklärt de Linguist.

www.lulling.net - D'Buch kascht 13.90

E Stammet eemol anescht

De Stammdësch „Bauen a renovéieren“ vum Oekozenner



„Bauen a renovéieren“ ass Thema vum Stammdësch

Foto: Oekozenner

LËTZEBUERG Den Oekozenner Pafendall organiséiert de kommenden Donneschdeg, 4. Dezember e Stammet vun der besonnescher

Aart: De Stammdësch „Bauen a renovéieren“.

Dëse Stammdësch ass den drëten an enger Serie vun Treffen, op déi interesséiert Leit invitéiert ginn, an enger labberer Ronn en Debat zu engem spezifeschen Thema am Beräich Bauen a Renovéieren ze féieren.

No enger kurzer Aféierung vu Säiten vum Bauberoder vum Oekozenner Pafendall ka jidderee seng Erfahrungen, Froen oder Umierkungen abréngen.

Den Thema vum Owend ass des Kéier: „Passivhaus, Niedrigenergiehaus und Co - ist das immer sinnvoll?“

Et geet lass ëm 19.30 an dauert ongeféier bis zwou Stonnen. Den Entrée ass fräi an de Stammdësch ass an der Brasserie vum Oekozenner am Pafendall (6, rue Vauban). Jiddereen ass härerlech wëllkomm. JK/OEKOZENTER PAFENDALL

DÉIFFERDENG D'Cabaretstrupp „Peffermillchen“ ass e Mëttwoch, den 3. Dezember zu Déifferdeng, fir säi Spektakel „Flunkerland“ um 20.00 am Kulturzenner aalt Stadhaus ze presentéieren.

„Wann et iescht gëtt, muss ee léien“, seet de Jean-Claude Flunker (oder wéi heescht e scho méi?), an zanter Lige battien op déi Manéier vun uewen erof den offizielle Seege kruten, gëtt an eisem Flunkerland gelunn a bedrunn, datt et niwwelt à kraacht. An der Politik, an der Wirtschaft, an der Kultur, an der Kierch a bei deenen, déi sech Wourecht a Recht op hire Fändel schreiwen - iwwerall ass et Moud ginn, monter ze flunkeren, well ebe scho méi laang alles ganz „iescht“ ass. Eis kleng Insel vun der Gléckséilegkeet gëtt mat Ligen zementéiert. Mir beléien eis selwer, well mer soss déi schro Welt dobaussen net aushalen. Mä maache mer eis näischt vir: De Flunker-Virus huet eis alleguer schonn erwëscht. D'Geflunkers ass en neien Nationalsport, mat deem sech jidderee Medaille fänke kann. Dofir flunkert och d'„Peffermillchen“ an hirem neie Programm „Flunkerland“ mat Genoss an onni Schimmit.

Den Entrée kascht 20 Euro. Entréestickete kritt een am Kulturzenner aalt Stadhaus zu Déifferdeng, op www.stadhaus.lu oder www.luxembourgticket.lu.

JK/„PEFFERMILLCHEN“

www.stadhaus.lu